



黃鶴樓集補紀事



寓內以樓名者蓋無如黃雀樓云而集故
不傳郡侯孫公始輯之搜採亦既勤已乙
未春不佞偕計都門友人黃可聖市書長
安肆中一散帙殘漫僅可讀曰黃鶴樓集
可聖售畧余曰樓故有集乎余閱之則正
德中憲副鄆公巍為錫山秦中丞及西涯
先生倡和諸作集之因稍、衰次大較在

郡公集者過半其他多芻出蕪雜猶之乎
無集也余歸述之於公曰余嚮劇薄書
而採文墨謂是集初為耳茲即非善本曷
忝訂之遂索之可聖所取未備者屬游生
書而不佞為校拜訛會鄒吏部傳本寧太
史詩至公聖命錄乃李獻吉何仲默二先
生樓中無專題見之次灤陽二詩余因請
之公曰此當代崔李也可不藉之重乎公

唯刻成公題之曰黃宦樓集補余不佞
謂山川以景物著而景物以賦咏章兩者
常相待以為勝非是則寓宙智耳安所
稱鉅麗也且文林藻士送目嘔心豈盡流
連光景無亦其息生憤立之懷欲發舒無
從而聊寓之延眺故登臺愁嘆憑軒涕流
新亭峴首之慨後先一揆而已如必以為
是疥癬是覆瓿不盡歆關諸品題者口令

寓宙習々乎甚矣人之好基也夫扶輿不
能盡剗山川之嶽岑研叢者而夷為墳衍
山川不能盡易樓臺之聳特挺秀者而降
為蓬堵勝有所鍾也即茲樓毀而愈新造
物亦若陰護之以勝吾楚何樓之待以為
勝者率堙弃之不少惜甚矣人之好基也
公既輯是集復拾殘滂掇遺逸如不及真
抽揚小善不啻若已有執集中如南樓北

榭雖圮廢而魯直諸作者詩公尚附之曰
吾不欲其廢也惟補正平鸚武賦暨吊鸚
鵡洲賦咏不佞間請之公々愀然曰姑舍
是々非余輯鶴樓集指也嗚呼公之意念
深遠矣安得起正平輩于九京而與公遇
也公刻有楚紀武昌郡志皆列在文苑可
聖名養正游生名天衢江夏人

萬曆丙申歲仲春望日郡治後學任家相

頓首謹書

[Faint bleed-through text from the reverse side of the page, including characters like '頓首', '謹書', and '李白']

黃鶴樓集補

五言古

江夏寄漢陽輔錄事

李白

誰道此水廣復如一疋練江夏黃鶴樓青
山漢陽縣大語猶可聞故人難可見君草
陳琳檄我書魯連箭報國有壯心龍顏不
回睜西飛精衛鳥東海何由填鼓角徒悲
鳴樓船習征戰抽劍步霜月夜行空庭徧

長吁結浮雲埋沒願榮扇他日觀軍容投
壺接高晏

招鶴為蔭復善賦

朝放黃雀太暮招黃鶴歸翻兩黃雀朝
暮相隨飛朝飛向三山暮飛向遼海雖云
城郭是但覺人民改曾邀王子晉去謁浮
丘公丹霞映碧水萬里瑤臺風瑤臺十二
樓琪樹珠花繞時與五色鸞雙飛啄瑤草

天風一飄蕩瞬息三千春回首清淺波拂
拂揚輕塵青鸞既遐飛丹鳳亦高舉獨招
黃雀歸靜對黃鶴語黃雀如有意起舞春
風前一咲上黃雀招搖凌紫烟

南樓

葉子奇

秋夜尋遠聲徘徊上南樓南樓何峭麗下
瞰大江流昔王事宴賞往人乘清秋七十
二女娥雙、羨秦謳為樂苦未央明月滿

上頭豈知慢藏多骨肉散不收
雕墻雨久蝕繪壁苔空稠
尚有松栢風吹聲落岩
幽我来憑其墟北望古神州

北榭

北榭憑回風業及古城隈
瓊窻映綺戶出入相褰開
嚮為何王宮而今安在哉
獸有簷外花隨風散瓊瑰
苟尚存此居孰使行人
来空堦落桂子點點令人哀

七言古

黃雀樓看雪

楊基

黃雀樓前水平岸春雪當空舞
繚亂東風知有客登樓助以瑠瑤
作奇觀昔人黃鶴去不回我騎
白鳳橫江来遙看歷歷漢陽樹
一色盡是梨花開人間何處稱
奇絕百尺欄干滿江雪氣壓滕
王閣上雲興高庾亮樓中月瀛
洲只尺非難到鶴背琪花落

紗帽載酒誰能問謫仙題詩未必無崔顥
江山得此清無敵頃刻銀蟾蕩瑤碧更着
仙人紫綺裘卧聽呂巖吹鐵篴

去不雪中再登黃鶴樓

前人

平生不願萬戶侯亦不願識韓荆州但願
武昌連日雪日已醉登黃鶴樓前絕景
冠今古况有續紛雪花舞玉樹參差認漢
陽瀛洲浩蕩迷鸚武江頭兒女走歌真謂

我似是騎鶴仙白雲飛盡黃雀去此景不
見今千年我拍闌干為招手世上神仙亦
何有桃李非無頃刻花江湖盡是逡巡酒
他日重来五百春樓前花草一番新相逢
不識純陽子何用重尋回道人

黃雀樓

俞倪敬

黃雀高樓幾千載黃雀高樓今尚在黃雀
仙人不復回空餘江水東流海江水東流

春復秋昔人感慨今人愁憑高日暮望鄉
國碧天空闊雲悠

避暑漫興

俞振才

大塊混淪開此境白雲繚繞登斯樓長嘯
坐疑銀漢響狂歌醉覺青山浮恍見仙人
跨黃雀羽衣鐵遂隨風流面、松篁鎖晴
翠芙蓉萼萼香初柔老龍倏忽放新雨南
薰薦爽烟埃收長梯頓食華峰藕赤籜好

弄坡翁身落、層冰水晶府、積雪崑
崙丘洞然八極在方寸萬斛一洗生平愁
龍蛇縱橫筆底陣花鳥構結吟邊讐三山
青、眼中、小携手、巨鰲頭上遊

鳳山約遊鶴樓阻雨不果即舊院對

酌

劉丙

橫江風雨舟難泊空擬登樓醉黃雀物情
何處不撩人細入纖毫渺虛廓乾坤萬象

誰斧鑿吳楚一隅自聯絡康莊聊爾試霜
蹄枳棘烏能啣阿閣回頭濕翠擁羣峰彷彿
身在蓬萊宮急呼斗酒供戲謔笑指鴻
毛付窮通青天故墮杯中月白羽時生醉
後風友道家今如此君方盛年我已翁
平生交游多俊彥達者幾人存者半夜慙
故舊卻關西秋入蓴鱸憶張翰執手槎頭
話別難江空帆遠天邊見栢古還持歲晏
聲在雲漢

寄題鶴樓

陳雍

心恣紅歆破春光面直教海晏與河清宜
使三江歌如練歌殘雨歇客燈孤嘹唳雀
聲在雲漢
萍梗長年嘆漂泊忽詫姿容同海雀曾中
丘壑未足論照龜山川自恢廓江漢合流
非禹鑿黃鵠東來勢聯絡仙人騎雀去不
返千載令人仰樓閣此是湖南第一峰東

海邦有蓬萊官危梯直上復直上人語似
 與丹青通當年我獨快登此肘腋不覺生
 清風鐵笛亭邊醉欲倒接羅倒着如山翁
 別來每憶同時彥存歿榮枯強相半多情
 知有樓頭月夜、流光照詞翰曾與鄧戶部
倡和有詩
 我今重來近廿載望之斯樓不可見樓子
 樓子幾度新無乃相忘舊人面欲賦微詞
 紀今昔日睇江雲手披練顧得一點朝宗

心日夜東馳附江漢

詞全

登黃鶴樓步韻

吳廷舉

磯頭往歲曾漂泊恍惚層空舞孤雀皇華
 照眼今登樓步屨軒昂意開廓主人本屬
 杜陵豪玉壺載酒青絲絡愕渚城中十萬
 家望我如在通明閣峻極于天祝融峰煥
 乎有文太和宮合與此樓為三傑地位稍
 遠地脉通老夫家住蒼梧境欲歸奈阻洞

庭風朝駕白雲暮即到安濕仙術如回翁
凭高訪古求鄉彦朝市山林各居半孟郭
前朝老隱淪善邕父子流詞翰方今作者
有蘆泉誰謂古人不可見狂吹鐵篴聲撼
天曲罷梅花飛滿面江山無語謝發揮民
物有情誰綜練主人毋浮我太白渴我思
欲吞江漢

又

伍全

扁舟短棹從飄泊孤懷落々橫江霍登樓
具眼縱竒觀萬里乾坤淨寥廓峭壁懸崖
誰斧鑿長川斷港如絲絡畫棟參差倚雲
開丹梯翠嶺憑虛閣因勢高擎天柱峰磯
頭下壓馮夷宮自信仙凡已懸隔由來上
下相流通便欲乘槎泛斗極何當化羽凌
天風機心勘破漢陰叟得失都歸塞上翁
迂踈豈是邗家彥汗湯行踪天下半區々

俗吏不能文往、逢人羞染翰東風花柳
莫深愁南浦烟波等閒見坐來皓魄正當
空醉後紅光偏入面自笑吾生別有涯敢
云世故曾更練徙倚危欄舒長嘯丈夫意
氣冲霄漢

又

陸禮

孤舟夜向江頭泊月明何處尋黃雀萬里
雲霄一奮飛六翮翩然入寥廓江水粼粼

石鑿、鶴去人來影聯絡鳳山先生濟世
才也曾放雀登仙閣蔡戟光搖黃鵠峰文
章色映驪龍宮三湘月浸冰壺瑩五嶺雲
開節制通封豕長蛇逞餘毒虎頭豸角生
雄風出車于牧親吊伐垂髻戴白迎兒翁
弊書前後羅羣彥整頓乾坤思過半桓、
元老時鷹揚烈、貌貅若飛翰雷轟電掣
南征日名公休父兩驚見先謀奪人劍倚

天長鯨授首狐革面鐵雲不動微波晏澹
眼湖光明素練黃鶴之歌且休按請依周
雅歌江漢

楚風又

費宏

吾宗老仙此棲泊煉得身形似黃雀一時
羽化喜流傳萬古樓居占空廓星辰歷歷
只平臨城郭茫茫總聯絡白波九道來雪
山翠巘千重橫劍閣霽瑟遙聞江上峰鼓

聲近出馮夷宮乘鸞翳鳳嘯儔侶十洲三
島疑相通何人醉後歌拈碎謫仙非仙猶
仙風橫江孤飛感竒夢後來復有東坡翁
福衡崔顥俱英彥景物牢籠已強半中丞
有興時登臨歌起諸公校詞翰高歌寄到
和家難大抵百聞輪一見扁舟何日倚樓
前晴樹芳洲應識面却愁地主已非公
當宁股肱須老練何心騎雀上揚州自合

乘槎遡天漢

又

邵寶

片雲不向琴臺泊
鄂渚飛來共黃鶴
黃雀千年尚未歸
惟見高樓倚寥廓
有磯巖嶮非人鑿
磯上臨觀何繹絡
長史杯綠度老
停謫仙華為崔郎
閣內方迤邐大別峰
遠樹中開夏后宮
朝宗江漢直趨海
天津地脉應流通
登高能賦亦餘事
天子有使將

觀風西涯老作動
千古白首載歌還
沈翁都臺駐節吾
邦彥五十功名猶
未半不轉常持匪
石心無涯每出如
流翰匡廬雲隱具
區濤我放扁舟君
不見清秋貽我洞庭
歌手墨新顛溢絨
面君詩原是社中人
吏在漢庭稱老練
憑君莫向棟邊懸
恐露精光射星漢

又

陳鳳梧

磯頭水急舟難泊雲外盤旋舞孤雀棄身
走上樓之頭萬里風煙沈寥廓天上勝境
非人鑿兩山夾岫猶連絡巨濤聲撼岳陽
樓飛簷勢壓滕王閣瀟湘屹立十二峰下
瞰貝闕子珠宮世人可望不可到蓬萊弱
水遙相通神仙一去渺何許數聲鈇笛鳴
長風、清月白誰與會忘機時有滄浪翁
走昔湖南領羣彥三湘五澤行應半壯懷

每欲歌杜陵奇才尚未識王翰鳳山先生
絕代豪景星瑞草世希見激揚之暇試登
臨到處山川開便面岳麓雲橫翠作屏湘
潭水淨寒拖練文章事業兩多高千古茲
樓俯江漢

朱應登

樓船浮空向空泊坐對江樓詠孤雀杲日
晶、目仍遠澄波森、心先廓大別曾經

神禹鑿洞庭，靈靈相聯絡。會緣七澤入，溟
海控引羣山俯。飛閣飛閣西來千萬峰，鈞
天九奏啟龍宮。虛傳雲樹書能達，實詫秦
源路可通。靈洲處、聞芳杜，商舶時、乘
便風。波歲月坐超忽，回首朱顏成老翁。
我生蹇劣，慙時彥踪跡。天涯已強半春草，
幽息泣楚纍。秋風歸夢懷張翰，支離徒倚
如轉蓬。廿載茲樓且三見，感慨長歌崔老
樸入銀漢。

又

唐錦

篇登臨省識，回仙面。茲來景物尤絕奇。江
水江花淨如練，報詩中丞興不淺。更擬乘
扁舟，鄂渚連宵泊。一樽聊伴城樓窄，月光
照人如鏡明。水色涵空更澄廓，樓背小亭
白石鑿裂處，似有藤蘿絡。欲將勝致付毛
生，掌中酒杯權且閣。凌晨歷覽週遭，峰村

歌野曲鳴商宮官清萬口詫奇遇民隱九
重偏易通戰馬千群卧芳草山川百二皆
春風瀕江小歛亦偶爾全活正賴青州翁
中臺大夫南國齊胸中石渠有其半經綸
餘瀝洒秋風流水行雲看染翰名樓秀句
兩爭雄千載崔詩今再見憑欄獨抱廟堂
憂舉頭嬾識江山面酒酣携笛傍梅花吹
徹楚雲飛碎練不須高語驚星辰轂名久

已登霄漢

又

蕭淮

粵船夜傍春江泊江上高臺扁黃雀黃鶴
西去湘雲孤青樓千載涵江廓斷機湮水
橫白鑿踈簾鈞雨垂朱絡好山欲渡楚門
來飛翠細、籠曉閣遺恨高懸赤壁峰寒
波夜漱鄂王宮巴蜀雪消洞庭闊蒼茫直
與天河通月明江上鉄蓬起素懷頓覺生

長風巫山雲雨空寂莫孤崖殘火宿漁翁
咏游摠付乾坤彥蛟室珠璣傾過半崔郎
由賞謫仙人騷壇今古鶻詞翰登樓感物
鄉思生回首蒼梧渺不見萬花射日天宇
澄清尊且對廬山面觀風替府東吳豪海
潤芳胸平若練玉壺皎一劍光寒毒嵐瘴
霧清江漢

又

夏言

武昌城頭夜船泊城上高樓起黃雀銀燭
孤懸逼太清朱甍下瞰臨寥廓參差石勢
傍巖鑿控帶城闔連井絡磯下潭深蛟杆
鳴檻前水落漁舸閣青天飛來鳳皇峰赤
霞掩映仙人宮煙濤微茫溟海接雲氣翕
忽蓬萊通四時簾捲楚天兩萬里帆開巫
峽風杖鉞欣逢鳳山老題詩忽憶西涯翁
登臨暇日盡才彥授簡揮毫酒行半自慚

街命事奔走敢為升堂掃詞翰白雲黃雀
向來聞晴樹芳洲今始見天開壯觀自千
古地擁雄都當一面已看黎庶樂昇平近
喜疆兵休訓練多暇來遊又一時轉見高
情屬江漢

又

伍文定

樓邊幾度舟曾泊俗子何緣能賞雀故人
遠贈雀樓篇披誦令人心孔廓風景依然

非夢鑿龜蛇鸚武紛聯絡白雲縹緲自青
山黃鶴逶迤崇西閣闌闌遙連蜃市峰岫
艦輻輳馮夷宮南都北關雙瞻切東海西
岷一葦通古今題詠偕金石瓦缶邇容鳴
下風况膺戎伍控僉務中夜惺惺愧主翁
褰衣裹足隨名喪蠻山瘴水行將半偶平
惡孽暇投戈效擊霜押聊揮翰固無佳句
壯登臨吾楚江山真一見嘅時旣乏濟艱

才拙多應慚知己面買舟便合訪垂綸萬
頃滄浪舒卷練試仰羣公紆廟謨一時勳
業昭雲漢

又
李麟

樓居仙子虛舟泊一去流傳躋黃雀食霞
骨相本身輕飄然羽化翔寥廓掾筆誰題
樓上頭白石烏絲碧紗絡峴首平臨沉水
碑長安屹向朝元閣西山簾捲青來峰雲

飛縹緲襄玉宮香霧室中下神女精靈直
與星河通銀屏月懶渾疑水錦帳春偏不
受風角聲驚起梅花落鶴背絕倒仙人翁
觀察慙予歿羣彥頭顱不分霜華半采真
何處許參同笑倩圖南雙鸞翰還從此老
學無生黃雀前身坐相見聞說靈均亦仙
鏡為問僊翁曾識面我欲因之一寄聲哀
郢江頭濯如練終始君恩誓不移百鍊錫

勝真鐵漢

又野

張含

鄂渚帆檣三日泊三日登樓望黃雀黃鶴
不見已千年寐莫高樓倚空廓翠銻丹崖
誰所鑿趨伏茲樓勢環絡茲樓峻洒挿青
霄無謝梁朝瓦官閣飛霞絲錯九十峰中
有幽人棲九宮波濤噴薄幾萬里根源定
與蓬萊通神仙往來日不歇能令六月生

涼風瑤琴一曲者誰子玉邃數聲何處翁

狂吟李白真詩彥壯懷趙碑慚過半醉月

看雲不下樓可憐懶慢曾揮翰江花江鳥

揔關情地角天涯猶夢見中丞詠語絕世

奇我輩終、俱北面想因多暇乃有此豈

廣兵戎之訓練即教勛業翊

今皇勿訝詞華傾兩漢

又

近澤

使舟昔向荆襄泊懷古思鄉望黃雀轉首
于今二十年湖天極目成空廓當年神禹
勞疏鑿雲土夢又猶相絡詎知後世溺仙
禪鶴樓高倚觀音閣衡山翠映巫山峰江
雲碧湛湘妃宮蛟龍雷雨中青作翼軫光
芒下界通樓影橫波田夜月遂敲裂石來
天風息樂多情思范老虛無何地尋田翁
鳳山拔自南畿產道義交游天下半文武
全才政教兼不獨毫端擅詞翰鑿坡紫闥
昔追隨懸轍梁園曾再見一從移節鎮東
藩光霽無由覲顏面陽春寄我真絕奇歌
和難追句徒練病中夢想繞湘潭萬里昭
回仰霄漢

又

吳彭德

猗茲仙人何栖泊上下青天惟隻雀翱翔
萬里曾須臾回視寰區邀寒廓離形點智

遺穿鑿玉壺倒掛真珠絡醉來枕藉白雲
眠愛此當空好樓閣人間無地無奇峰安
得如此神仙宮開簾綆許雀來往有路那
與塵埃通塵埃不通景自異一襟一帶舍
剗風江山滿前容不改歲月磨人頭謗翁
登臨曾約清時彥此身頓在天之半圖南
有志憐未酬欲向層霄托毛翰也知勝地
難逗遛黃雀寧須輕一見子夜披衣延月
娥倏然如覩仙人面仙人可慕不可親空
見長江碧如練高飛有鳥橫度樓鳴聲戛
戛徹晴漢



五言律

泊舟黃鶴樓下與伯京先生別

吳克敏

登高賦鸚武不放酒杯停
城入漢江黑樓吞荆樹青
乾坤事爭戰南北感漂零
去路萬餘里明朝過洞庭

初夏同杜岳南諸公登仙棗亭即席

限韻

沈渠

披襟尋古蹟載酒入仙家座上人如玉亭
前棗似瓜擎杯吞海島揮塵弄烟霞小吏
今何在哦詩紀歲華

飲仙棗亭次沈維川韻

杜一山

仙蹤留酒肆佳句壓詩家解綬猶存蕭接
閒學種瓜金丹能駐日綠蟻醉流霞漫嘆
回頭晚勞西鬢華

七言律

送田端公還鄂渚使府

武元衡

孤雲迢遞戀滄洲勸酒梨花對白頭南陌
送歸車騎合東城怨別管絃愁清油幙裏
人皆玉黃雀樓中月並釣魚去庾公應獨
在馳心千里大江流

鄂渚烟波亭

戴式之

倚遍南樓更宦樓小亭滿酒家宜秋接天

烟浪來三峽，隔岸樓臺又一洲。豪傑不生
機事息古今，無盡大江流。凭欄日暮懷鄉
國，崔顥詩中舊日愁。

和同年觀志能還自武昌詠

薩天錫

短衣匹馬走江濶，山川歷歷何雄哉。漢陽
風緊鼓角動，洞庭水深鴻雁來。雪消巴蜀
浪翻屋，黃雀磯下聲如雷。是時立馬夜呼

渡清江苦竹猿聲哀

登黃雀樓

游侶

長江巨浪拍天浮，城郭相望萬景收。漢水
北吞雲夢入蜀江，西帶洞庭流角聲交送。
千家月帆影中分，兩岸秋黃雀高樓人不
見。卻隨鸚鵡過汀洲。

又二首

曹時

山下長江，上城樓。風景四時生白雲。

飛去渾無跡黃雀歸來似有聲形勝變為
行樂地賡歌難盡古今情險艱弘濟思舟
楫望入安流只湯橫

武昌城頭黃雀樓虛名慚為主人收千年
勝跡多題詠萬里孤帆早罷休鐵笛不聞
花自落藻江猶在水空流白雲本是無心
物七澤三江任去留

又

王臣

白雲縹緲誰所樓歷盡寰中無此洲來日
翻思往日事古人亦似今人遊晴川一帶
鳥邊樹晚笛數聲天外秋安得朗吟遍八
極東騎黃鵠西青牛

次崔韻

龔澤

仙人跨雀歸何處崔顥題詩在此樓勝槩
至今當地闢高風終古與天悠彭湖曉色
來新霽衡嶽晴芬落遠洲鉄笛一聲秋萬

頃滄桑都付楚雲愁

登黃雀樓 二首

張時敏

茫茫仙雀去無音
留得名樓壯古今
吳楚百川歸吐納
乾坤萬象屬登臨
哀歌已逐鳴榔散
霸業都隨折戟沉
惟有天然圖畫景
前人吟過後人吟

欲跨欄干摘斗牛
西風寒洒鬢
仙於何處乘黃雀
人向江天倚白頭
千里眼空

雲夢景八紘襟納洞庭秋
相逢盡說波濤險
日月東流見客舟

黃雀樓

侯啓忠

黃雀樓高江水深
江邊風日此登臨
無情秋色魚龍夜
不盡烟波河漢陰
豐稔歲時仍羽檄
蕭繁城闕急霜砧
年來彈鋏思歸客
留滯他鄉且自吟

又

宦轍西南有庠忙幸陪羣彦共徜徉樓名
黃雀真仙跡天近紅雲是帝鄉臺省喜
為清暇樂湖山寧厭老懷狂鼓鼙聲裡江
城暮一點漁燈起漢陽

又

柯拱北

黃雀仙人天上遊幾時為創此高樓蒼牙
高啄吞江漢棟宇暈飛接斗牛江漢兩流
相蕩漾乾坤萬古自沉浮笛聲何處尋仙

信縹緲白雲天際頭

又

周因

春早樓臺共客臨風光占斷此山林孤尊
岩壑分高興一笛江城入朗吟南浦碧雲
連樹影東風黃鳥隔堯音醉來咲拍闌干
外斜日天涯望轉深

又

莊杲

晉風唐雅樂南州木鐸天還與勝遊孤舫

漢江真有月老拳黃雀定無樓放豪天地
公才大兀坐山林我病休出處雖非心尚
在短歌休負釣魚舟

又來風黃雀定無樓放豪天地
李應禎

黃雀高樓日再登古人好事亦何曾西來
江漢流千里南接衡巫翠幾層此地勝游
盈石酒平生高興一枝藤滿天明月未歸
去要看銀河水作冰

又

董朴

今古人多悅此樓湖湘勝槩可全收吳山
遠與楚山會漢水始同江水流夢想每嫌
塵俗擾登臨猶有廟廊憂眼中最喜金陵
客欲占風光卻早休

又

李維禎

江漢紫迴鄂渚磯先朝樓閣已全非暫攜
老子胡床坐一聽仙人鐵笛歸洲樹新舍

鸚鵡綠山雲舊作鳳凰飛樓頭跨鶴來游
者可是蘓耽與令威

又

李夢陽

武昌城北大江流沱水夾城鸚武洲楚蜀
帆檣風欲趁蛟龍濤波暮堪愁青烟自沒
漢陽郭新月故懸黃雀樓無限往來傷赤
壁三分輕重本荆州

又

何景明

使客舟從漢口來武昌城對漢陽開千年
洲在空流水百尺樓高鎖舊臺太白未輕
崔顥句老瞞元妬彌生才山川不盡豪華
興落日烟江思轉哀

又

吳伯深

誰騎黃鶴去何年獨是層樓尚翼然登眺
願償悲鄂主牽纏障在愧崑仙焚之金碧
江頭寺隱之帆檣漢口船把酒馮闌增感

慨不勝豪興歎孤騫

孤騫

騫

騫

與

騫

騫

騫

七言絕

不

夏口

杜牧

溶溶漾漾白鷗飛綠淨春深好染衣南去

北來人自老夕陽長送釣船歸

寄牛相公

漢水橫衝蜀浪分危樓點的拂孤雲六年

仁政誰歌去柳繞春堤處

鄂州南樓書事四首

黃庭堅

四顧山光接水光
凭闌十里芰荷香
清風明月無人管
併作南樓一味涼
西閣傳觴客十客
透風透月兩明軒
南樓盤礴三百尺
天上雲歸不足言
前人勢壓湖南可
長雄胸吞雲夢略
從容北船未嘗觀
巨麗複閣重樓天際
逢柴芥南志武昌
叅佐幕中畫我亦
來追六月涼老子
平生殊不淺諸君
少住對胡床

五言絕

黃鶴樓

王十朋

雲鎖呂公洞
月明黃雀樓
抱關非故率
誰見羽衣滌

記

鄂州重修北榭記

附

李士臺

鄂渚之勝以南樓北榭並稱南樓繇元祐
 改作元符來脩水黃公魯直嘗見於題詠
 惟北榭冠子城之顛在郡公堂之後不知
 自何時建立乾道中于湖張安國為大書
 扁榜厥後達官名人稍有為賦詩者然距
 今亦五十餘載矣棟宇隘庳日就圯廢莫

或顧省一夕大風震蕩摧屋山飄瓦如墜
葉舞空屋隨以傾壓不可復支子城亦久
弗治土石墮地榛莽蒙翳狐狸所窟虺蜴
所蟠於是昉議更葺先增甃北隅表二施
崇三丈有奇南表尋有半崇與北等遂改
建榭屋闢而大之敗楹腐楠悉易以新旣
成宏敞翬翼與南樓巖然相望始於一郡
面勢為稱雖其高無所不矚而北望尤宜
嘗試相與憑檻遐睇則煙沙蒼茫天水無
際西陵郢杜安陸諸山隱隱出沒雲外雲
夢之泱漭漢沔之縈洄皆可目路而指喻
羣鴻匹鶴飛翔上下平蕪斷浦杳杳如髮
暇日尚羊不涉級數十武而坐得千里絕
特之觀殆前所未有也惟漢江夏太守所
統疆域至遠今光黃蘄安信五郡之地皆
故屬邑春秋時吳楚交戰出師往來之地

水如清發瀆瀝山如內方大小別雖立邑
變遷而勢勝猶在與夫孫伯符之所討繫
周公瑾之所摧敗陶士衡之所平殄其遺
跡猶可諏訪而考求邾城臨江故堞宛然
嘗笑其規撫特淺耳庾元規志驕才輕
亦弗克有成三關九阨之塞魏梁交攻或
得或奔南北強弱係焉以見昔人爭戰之
力不為無意夫以地之相距雖有數百里

之遠而據其要會實皆在吾環顧規置卷
舒伸縮之中况郡居全楚上游與江陵襄
陽實相為表裏諸葛忠武嘗欲舉荊州之
軍以出宛洛公瑾亦謂據襄陽以躡操北
方可圖二人之言若合符節而宋何尚之
顧言夏口當荆江之中直通雍梁實為津
要豈非以地勢便兵力接故耶抑嘗据此
論之若昔自南而圖北則易為功自北而

入南則難為力故梁未因陸法和之敗郡
雖暫屬高齊慕容嚴死守半歲雖能拒退
侯瑒等然卒棄之還南五季杜洪襲據州
城遙附朱梁以扞淮南之侵朱梁三遣兵
援之皆至近地然無救於洪汜為淮南將
劉存所克身隕國絕豈天塹之設果足以
限南北耶抑或彼或此亦存乎人之圖回
智略如何耳夫惟俊傑之士有志於當茲

要必討論之素精計慮之素熟異時行遊
坐息朝思夕惟未嘗不在於此故一旦發
而見諸施為則必卓偉絕人非臨事隨應
率意而為之者所可及傳曰登高能賦可
以為大夫趙孟過鄭請七子皆賦以觀其
志夫所謂能賦者豈徒吟詠一時之風物
景色哉必也升高而望遠遊深而謀長覽
山川之形勝考古今之成敗究昔人謨議

之得失與今日時措之宜其所蓄積操存
因感觸而發見所賦之志於是乎在王茂
弘新亭之感逸少冶城之諷大較亦茲意
也夫是則高明其居處緬邈其臨眺豈但
以逸其一身而自適於耳目之間而已哉
榭之廢興似未足書然余改作之意非游
觀之為則不可不明著以貽後之同志者
俾得以周覽而繹思焉嘉定甲申三月

重建南樓記

附

宋民望

南邦倚郭窪山水昔賢必宅其勝以便登
臨者欲俾聽政脩令之君子退食而居高
明因以擴仁智之達德不徒具觀美也南
樓在楚觀右黃鶴樓左非重屋而謂之樓
者因山而梯也登梯而望前鸚洲後北榭
大別山其西鳳凰山其東蜀江之水南來
而西注嚮明而席凡山之如屏如幃者又

皆森列乎几下斯樓遂足以盡江漢形勝而蕃翰眉目具焉或曰六通四闢皆我聞之南何居曰樓之建雖在武昌置郡後南之名已定於岐豐肇夏之初矣貞女之風見詠周南江漢乃十五國風發源之地是南也二南之南也王化自北而南之南也夫江漢稱南樓則甚切後人更曰白雲閣者妄也樓去晉唐遠郡志載庾亮事異同

始終宋事考之即元祐中重建建中靖國初重脩乾道初再建嘉定中又脩我世祖皇帝己未南征是邦衙府臺隍皆在聖圖遠覽之內及異時內附諸司潭遷鄂徙靡常存斯樓成毀於不論元貞初官師甫定付斯樓脩復於不急日凋月敝來游者如在荒禪敗驛感慨係之矣今榮祿大夫平章政事公忽刺解乃兀里養哈解人民雪

白解官人之孫益速吞兒平章之子也泣
政之明年慨然曰當吾世而廢千餘年之
勝觀何以鎮壓二百州之山川哉即召屬
計功命本省掾史劉彛訓蒙古必閣赤高
敬宣使徐復孫前通城縣達魯花赤馬合
謀董役且曰營室而智及百年者材必良
材工必良工茲樓突兀武當壇靖之上雲
雨風日必先被焉昔人所以屢建屢脩者

以官視南樓不以家視南樓也悉薪其腐
材更梁柱以江陵之栢夫傭匹直不會多
少唯精實是圖兩掖視舊增多四榮視舊
加闢蓋瓴級甃垣墻三周藻稅榦楹青鞞
輝映財粟計鈔五萬實平章公捐已俸為
倡創以春季成以冬孟度長潔大遂為東
南登臨樓閣之冠時總管崔翼繇南康易
守武昌亦相斯事將紀公成績垂不朽公

之不朽固不係乎興造之末然使他日仰
其華麗者知公政事足以澤物樂其顯敞
者知公胷次足以容衆即周召事業亦嚮
是彰之矣謹述顛末勒諸石使他有名筆
能羨山水之形容極日月之繪畫則是記
也亦斯樓之副墨子云至治壬戌日長至
記

雜體

某以去歲九月至鄂登南樓歎制作
之美成長句久欲寄遠因循至今書

呈公悅

黃庭堅

江東湖面行畫圖鄂州南樓天下無高明
廣溪勢抱合表裏江山來畫閣雪筵披襟
夏簟寒牕吞雲夢何足言庾公風流冷似
鐵誰其繼之方公悅

黃鶴生歌

君不見眉山道士徐佐卿化為黃雀朝太
清還君金僕姑留得千載名又不聞穹窿
小僊徐子真翩翩自稱黃鶴生鍊形蓬萊
山鳳臆紫燕膺千有六百年飛上白玉京
玉京錦貝闌十二樓玉成娟萬青娥吹
笙來相迎黃雀生骨相奇金衣玄霜裙纖
指面紅髀不飲華池漿不啄青田芝恥被

五色污覽德輝下之浮丘不能招八公不
敢騎飄然從西來不使上帝知帝遣紫微
玄君魏夫人夜乘白鸞來相追琅霄頃刻
九萬里追之不及鸞教悲黃鶴生請少留
爾為黃鶴舞我為黃鶴謳便有吹玉笛登
爾黃雀樓高幾百尺見三島十洲瑤芝
金光草鐵經珊瑚鈎樓今已搥碎瓦礫三
千秋黃雀生孰與儔毋乘腰纏人扶搖上

揚州揚州瑤花已枯死仙人不復來遨遊
黃鶴生鉗甬口毋啣紫泥書寄與西王母
王母見爾笑起作小垂手黃雀生來爾聽
崑崙十二峯朶々夫容青上有雙羽箭金
鏃孔雀翎為我取之來射此天狼星坐令
談笑間四海煙塵清爾亦策爾勲我為爾
勒銘更呼薛少保圖爾雲臺形黃鶴不肯
顧長鳴掉頭去路逢鐵龍君疊々道其故
龍君勸不止竟觸龍君怒手挽黃雀衣醉
叱黃鶴住黃鶴不敢去飛繞三花樹夜深
鐵龍醉不醒黃鶴高飛不知處

黃鶴樓詩集跋

震南孫侯之勞苦出行縣

采風問謠也間以其晚望

吊古人豪訪黃鶴仙人故

處自引諸賢良博士撫古

風詠綴一家言余卒業追

數其情之寄言：鼓蘭風
已竊念趙季仁生平未盡
者三一不得盡古今人傑
蹠而為侶盡抽風雅訓故
盡遐踪芳勝收瞻望中夫
盡於乎能快意所如耳季

仁負逸氣吞河山八九豈
不既已稱壯哉據達者上
游物於人能便所有不足
余既已盡識王子安費文
禕崔李諸人傑之繁又盡
拾舊文斷碑殘烟芳草中

又恣意所如履壑雲亭呼
童命酒物於我何不有哉
已內快於懷則又憇夫宦
樓在望之時而當主郡吏
叢委不得差池為樂當去
郡內徙離米鹽瑣屑而又

踰千里外窅然夢中遊也
夫幽林奇石遐景仙勝往
往處士所宮牧夫踐蹠之
所貴游達士廼不馮駐馬
迴車寅而出終酉而退薄
暮文符如雨案簿領之不

酬歲亦一至猶有幸焉豈
若據故蹟拾遺搜山猶有
編摹與其及也侯日用其
所未盡我為我摹一編曰
亂石排空隱隱出雲間者
霍樓耶歌晴川和郢雪琅

琅然響聲溢金石者非夫
也耶使自致千里烟霞玩
弄股掌上余何不得也
賜同進士出身文林郎武
昌府推官東明韓拱



...

...

...

...

...

...



